



БЛАГОВѢСТНИК

ДУХОВНА ГАЗЕТА ДЛЯ ПОД-
КАРПАТСКИХЪ РУСИНОВЪ



ФЕБРУАРЪ
ЧИСЛО 2.
РОЧНИКЪ X.



ПЕЧАТНЯ, ВЫДАВНИЦТВО ЧИНА
СВ. ВАСИЛЯ ВЕЛИКОГО, РЕДАК-
ЦІЯ И АДМИНИСТРАЦІЯ ВЪ УЖ-
ГОРОДЪ, УЛИЦЯ РАКОВЦЯ Ч. 54.

НА МАЛЬОВАНЯ ЦЕРКВИ, ИКОНОСТАСЪ, И ПРЕСТОЛЪ
ПРЕСВЯТОГО СЕРДЦА ХРИСТОВОГО ЖЕРТВОВАЛИ:

Бировчакъ Илія 10. Кч.— Солякъ Ганя 10. Кч.— Ерстенюкъ
Олена 10. Кч.— Н. Н. 300 Кч.— Общество св. Розанца въ Бодзаш-
уйлаку 633. Кч.—

Щедрымъ жертвователямъ най стократно вынагородить Пре-
святе Сердце Господа Іисуса.

ОДЪ АДМИНИСТРАЦІѢ.

Впр. о. Василій Гопко въ Празѣ. За полученіи отъ Васть 10 Кч. благодаримъ.
Ихъ вписалисме якъ предплату на „Благовѣстникъ“ на 1930 рокъ.

Важное для П. Т. священниковъ

Накладомъ нашего Выдавницства выйшла зъ печати многими изъ
П. Т. Духовенства жадана брошуро:

„НАДГРОБНІ СЛОВА“

О. Дра Ярослава Левицкого известного духовного литерата. Цѣна
5 Кч. зъ почтою 5·70 Кч.

ВЖЕ ВЫЙШОВЪ. МАДЯРСКІЙ МОЛИТВЕННИКЪ
ДЛЯ ГРЕКО-КАΘОЛИКОВЪ ПОДЪ ТИТУЛОМЪ

„MENNYEI HARMAT“

Форматъ 8 × 11. — Сторонъ 256. — Змѣстъ сего молитвенника есть слѣдующій: Mindennapi imádságok. Katekizmusból. Reggeli imádság. Esti imádság. Különféle imák. Szentségi imádagok: Gyónási ájtatosság, Áldozási ájtatosság, Mise-imák. Nyilvános Isteni szolgálatok: Énekek a reggeli Istentiszteletből, A szent Liturgiából, A délutáni Istentiszteletből. Kiegészítő részek a nyilvános Isteni szolgálatokhoz: Vasárnapokra, A hét napjaira, A nagybőji időszakban, A husvét-pünkösdí időszakban. Az állandó ünnepekre. Különféle alkalmakra: A Szentlélek segítségül hivására, minden jókérés szándékára, Hálaadás szándékára, A halottak lelkineugalmáért, Panachidán. Engesztelő Ének a legméltságosabb Oltáriszentséghez.

Переплетена въ повполотно стоить 5 Кч. зъ почтовою
засылкою 5·80 Кч.

БЛАГОВѢСТИКЪ

ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, адміністрація, експед.:
Івано-Франківської Чини св. Василій В.
т. Ужгородъ, Раковця ул. ч. 54.

Февруаръ
1930

Предплата на цѣлый рокъ 10 Кч.,
за границею 17 Кч.; до Америки
повъ дол. — Одно число 1 Кч.

Число
2.

Выходить 1-го кождого мѣсяця
Отвѣчат. редакторъ: о. Емиліанъ Бокшай

Рочникъ
X.

Свято каѳолическоѣ пресы.

Большого влыву на людей никто немае, якъ новинка. Коли она добра, то есть найльпшимъ пріятелемъ чоловѣка; коли она зла то найбольшимъ ворогомъ — Она больше стоить якъ живе слово, бо слово прогомонить лише якъ вѣтеръ, а слово напичатане заедно стоять передъ очима чоловѣка. Слово живе, якъ кажуть, однимъ ухомъ увыйшло а другимъ выйшло. Слово говореное почue сто, двасто або тристо людей — а печатаючи чують тысящъ а навѣть миліоны. Новинку ци книжку знаходиме всягды. Суть они въ школахъ, въ читальняхъ, въ сусѣда; суть они и въ тебе. Ось яка то сила такого печатаного слова! Что напише новинка, ци календарь, ци книжка — въ то ввѣрять люде, якъ у святое, такъ роблять якъ, она имъ каже. Каже она имъ добре робити — роблять добре, каже зле, чинять зле. Тому нашою христіянскою повинностею есть, чтобы били и новинки и книжки добрѣ, — бо тогды и люде добро будуть чинити.

И задаръ будеме ходити въ недѣль и свята до церкви, если будеме читати новинки, котрѣ поборюють науку, что намъ голосять изъ проповидальницѣ. Не много скористаеме, что будеме дѣтямъ давати христіянское воспитаніе, если будеме имъ давати до рукъ книжки злѣ и ворожѣ для Церкви. Христіянови злыхъ книжокъ и новинокъ читати не слободно. Сякими суть газеты комунистичнѣ, соціалистичнѣ, схизматицѣ, неморальнѣ. — Такихъ рѣчей христіянинъ каѳоликъ не смѣє читати.

Не доста однакъ не читати злого. Христіянинъ—каѳоликъ має іншу повинность. Онъ повиненъ читати христіянскѣ книжки. Має навчитися изъ нихъ, что має вѣровати и якъ має жити.

Кто купує добру книжку, кто предплачує христіянску новинку той робить заровно добре дѣло, якъ колибы давъ грошѣ, на Службу Церкви, на звони.

Сей обовязокъ порозумѣли великѣ народы нѣмцѣ, французы и чехи и дбають про свою христіянску пресу (книжку и новинку).

Нѣмцѣ мають свою чтоденну пресу дуже богату. Въ одномъ городѣ Коллонїѣ печатается одна газета не разъ у день, а тричѣ и то въ тысячахъ примѣрниковъ за кождый разъ. Добрыхъ книжокъ

тамъ за рокъ только выдаютъ, что ихъ имена въ Благовѣстнику не змѣстилибыся.

Чехи такожъ порозумѣли важность каѳолицкоѣ пресы. Недавно то есть 24-XI 1929 посвятивъ у Празѣ архиепископъ Кордачъ вели-кій домъ, где мѣститься каѳолицка „Чехословацка Печатня.“ Тамъ печатаютъ три дневники „Лѣдове Лѣсти“. Празки Вечернѣк“ „Лѣд“ и много тиждневниковъ и журналовъ. Такъ борются правдивѣ каѳо-лики за своѣ права. Они купують и платять за новинки, тожъ но-винка годна печататися.

Такими успѣхами не годиѣ похвалитися мы Русины-каѳолики. Русины взагалѣ мало читають книжокъ и новинокъ, а еще менше за нихъ платять; хочуть, чтобы имъ присылали задарь, бо мѣсто купи-ти, волить декто паленки выпити. А то зле. Бо черезъ то Русинъ лишь бѣдуе тай бѣдуе и конца тоѣ бѣды дочекатися не годенъ.

Были на Подкарпатью каѳолицкѣ новинки, а вдергатися не моли, бо народъ не купуе и не платить. Не знае, что въ новинцѣ, есть велика сила. Она захищае его хижу и Церкву. Она сокотить его душу; она и выховуе его дѣти на чесныхъ людей.

И теперь есть пару каѳолицкихъ газетъ. Але якъ они мизерно выгляджають! Якъ бы они могли красно вызирати, колибы христіяне прилѣжно ихъ подпоровали.

Если бы така новинка мала два, три разы столько передплат-никовъ, коли мае поздно-платниковъ и неплатниковъ, то не появ-лялабыся она разъ у мѣсяцѣ а двѣчи, и не на 16 сторонкахъ а на трицятьохъ.

Отже читай и шири свою каѳолицку книжку и новинку, коли хочешь, чтобы тобѣ схизматики не розбивали Церковь, комунисты не плюгавили св. вѣри; коли хочешь, чтобы дѣти на старѣ лѣта те-бе честовали а не проганяли изъ власної хижѣ.

Тому читай Благовѣстникъ!!!

Не жалуй гроша на добру книжку!!! она тобѣ отдасть сто разъ столько грошей на землѣ, принесе радость душевну и помо-же тобѣ достигнути небесного Царства!!!

II.

Якъ маеме ширити добру пресу?

1) Зажени передплату. Если побираешь новинку то пла-ти за неї, такъ вымagaе справедливость. Берешъ въ склепѣ (бовтѣ) соль ци цукоръ, то платишъ. Берешъ въ Редакцї новинку — плати, бо иншакъ ти злодѣй. Берешъ чужое. А новинка даколи больше сто-ить, якъ та жменя соли.

2) Зажени передплату скоро на часъ! Не одинъ рокъ потому, або два або и пять. Редакцїя за все мусить платити. Платить за па-перъ, платить и тому, что пише и тому кто печатае. И за фарбу му-

чишь шилатити и за машину и за почту. А никто для неѣ не чекає рокъ або два. Плати, каже, тай готово. А зъ пальцовъ грошей не чесе. Коли ты продаешь на торговици корову ци порося, може чесиши на грошъ рокъ або пять? Кажешь, давай грошъ заразъ або...

Не годенъ прислати передплату за рокъ, присилай за повъ роки. Не годенъ самъ наэбирати только гроша, то пошукай собѣ такого, который бы зложився эъ тобою. Може быти двохъ пятьохъ, кожеши дастъ по пять, ци по двѣ короны и будете мати Благовѣстникъ ци ишшу газету на цѣлый рокъ.

Тай одинъ або два погарчики паленки менше, а грошъ одложи и найдесь тыхъ пару коронъ. Ци се такъ трудно? Правда, что иѣ. Тому роби такъ и то заразъ. Якъ хлѣбъ конечный для тѣла искъ слово правды для душъ!

3) **Приеднуй новыхъ предплатниковъ.** Але предплатниковъ, а не исплатниковъ. Тому поучи его, что грошъ треба высылати. Захоти его, чтобы читавъ. Покажи ему даякое число доброѣ новинки. Порадъ ему прочитати даяку книжку. Поможи выслати предплату, если онъ не знае. Напиши ему чекъ або переказку. Такъ зробишъ хосенное дѣло и велику заслугу будешь мати передъ Богомъ, бо не одну душу спасешь.

4) Коли ты членомъ читальнѣ то домагайся, чтобы читальня бештевовати каѳолицкѣ новинки и каѳолицкѣ книжки. Ты предплачочала членску вкладку, тожъ маешь право жадати.

5) Нашѣ Владики вызначили день трохъ Святителей, якъ свято пресы. Гдѣ збираютъ грошъ на добрѣ книжки и новинки не жалуй пару грецаровъ. Дай на ту христіянску новинку.

Нагорода для тыхъ, что приеднають предплатниковъ для „Благовѣстника“.

Перша нагорода. Кто приеднае 10 новыхъ предплачовали на рокъ або 20 на полъ рока и зажене грошъ достане задарь великий молитвенникъ руского народа въ красномъ переплету.

Друга нагорода. для тыхъ, что пріеднауть на рокъ 5, або десять на полъ рока и заженутъ грошъ, достанутъ молитвенникъ „Дам'ятися Имя Твое“ тежъ въ гарной оправѣ.

Трета нагорода. Кто приеднае 2 предплатниковъ на рокъ, або 4 на полъ рока достане дуже красну и поучающу книжку „Най-дам'ятїйшое Сердце Спасителя“ эъ богатымъ содержаніемъ.

Католицкѣ новинки на Подкарпатю.

1) „Благовѣстникъ“ мѣсячникъ. Адреса: Ужгородъ, ул. Раковиця ч. 54.

2) „Душпастырь“ мѣсячникъ. Адреса: Ужгородъ, Епископска Канцеларія.

3) „Свобода“ тыждневикъ. Адреса: Ужгородъ, Духновича ч. 10.

4) „Русское слово“ тыждневикъ. Адреса: Пряшевъ ul. Masarikova.
Галицкѣ Часописы.

„Нова Зоря“ газета для интелигенціѣ, выходить дваразъ на
тыждень. Адреса: Lemberg ul. Klonowicza 34.

„Мисіонар“ мѣсячникъ Zólkiew, Klaštor OO. Bazyljanów.

Нещастна паленка.

— „Чому вы, на старѣ лѣта пошли жебрати?“, — звѣдався лѣкарь одного 80 лѣтнаго жебрака. — Чимъ вы давнѣйше занималися?

— „Я бывъ столяремъ, пане докторъ!“

— „То зъ того малисте не злый заробокъ; а може вы были шіякомъ?“

— „Нѣ, пане докторъ. Правда, я пивъ каждого дня два погарчики паленки, одинъ на обѣдъ, а другій на вечеру. Але николи не бывъ я піаный.“

— „Но, а сколько коштовавъ той ваш напитокъ каждого дня?“

— „Думаю... не больше якъ 50 грайцаровъ“

— „А якъ довго вы такъ пили?“

— „Майже шестьдесятъ лѣтъ.“

Лѣкарь взявъ паперь до руки и почавъ чось раховати. Якъ пораховавъ, одложивъ оловецъ и каже:

„Може вы схочете знати, сколько то коштовало тое вашое умѣренное питя черезъ 60 лѣтъ. Отже, еслибы вы были тѣ грошѣ, что пили на паленку, складали до касы, то днесъ малибисте округло 64,500 коротъ (шестводесятъ четыри тысячи пять сотъ). За тую сумму могли быстче были купити великое господарство и быти богачемъ на цѣлое село!“

Такъ то паленка есть причиною нужды.

Мѣсячное намѣреніе на мѣсяцъ Фебруаръ.

для членовъ Апостолства Молитвы.

(Супружка святость.)

Щастя всѣхъ народовъ залежить отъ щастя родины. Бо народы, державы складаются зъ поодинокихъ родинъ. Если въ каждой родинѣ есть правдивое щастя, тогда и въ цѣломъ народѣ есть загальное щастя.

Не буде однакъ въ родинѣ щастя, якъ не буде святого спожитя между мужемъ и женою, якъ не буде святости въ ихъ супружомъ житю. Бо где грѣхъ — тамъ щастя и мира не може быти.

Святое має быти супружка, бо цѣль его есть свята. Родичѣ суть на то, чтобы удержовати на земли людскій родъ, чтобы выховати дѣти, котрѣ мають быти членами Христового Царства, мають колись быти жителями неба. Осягнути сю цѣль безъ святости супру-

жоѣ не можливо. Злѣ родичѣ выховують лише піяковъ, злодѣевъ и всякихъ грѣшниковъ.

Святое и оно есть, бо се установа не людска, а Божа. То, что Богъ установивъ есть доброе и святое. Тому люде не смѣють то, что Господь установивъ змѣняти и губити, а змѣняютъ тогды коли, одинъ одного покидает, коли между собою не живуть въ згодѣ, а вадяться безнастанно, на соблазнъ своихъ дѣточокъ, на соромъ для івлоѣ околицѣ.

Псують его, коли не сповняютъ своихъ обвязковъ, коли не захопуютъ вѣрности, коли не стараются про выхованя дѣтей, а розпинаются по корчмахъ и тамъ нищать згоду въ родинѣ и вносить до хижѣ суету, грѣхъ и Божій проклонъ.

Святое есть супружа, бо есть великою тайною св. Церкви. Тайны се наибольшѣ скарбы, якъ має св. Церква. Черезъ тайны спасаются люде, черезъ нихъ освящаются, черезъ нихъ и доходить до царства небесного. И не есть въ Божій Церкви рѣчей больше святыхъ, якъ тайны. Св. Тайны се источникъ всякихъ ласкъ и всякого Божого благословенства. Якъ Тайною есть св. Крещеніе, св. Сповѣдь, якъ тайною есть Пресв. Евхаристія и Священство, такъ и Тайною есть Супружество. Коли оно есть тайною то належить до найсвятѣйшихъ рѣчей въ св. Церквѣ.

Тому яка велика святость має быти въ житю мужа и жоны. Где не есть тоѣ святости, тамъ не може быти и Божого Благословенія.

Тому то до тоѣ тайны треба такъ прилѣжно приготовлятися. Тому есть приказъ очистити свою душу, чтобы ту тайну не осквернити грѣхомъ, тому св. Церковь посилає свого одпоручника священника, чтобы онъ поблагословивъ тыхъ что вѣнчаються.

Тому, что оно святе, тому и Господь Богъ и св. Церковь охороняє его всякими законами передъ зопсутіемъ и передъ усякимъ зломъ, которое могло бы нарушити его святость.

Оно має прообразувати злуку Церкви зъ Іисусомъ Христомъ; якъ свята и непорочна есть та злуга, такъ святою и непорочною має быти злуга меже жоною и мужомъ. Якъ Христосъ есть головою Церкви, такъ чоловѣкъ жоны. А якъ Церква кориться Христови такъ и жоны своимъ мужамъ въ всему мають коритися, каже св. апостолъ Павель. Але мужъ не повиннѣ такъ само забывать на дальшѣ слова св. ап. Павла „Мужъ любѣть свої жоны, якъ и Христосъ полюбивъ Церкву и себе самого отдавъ за неѣ, чтобы еї освятити. Такъ и мужъ повиннѣ любити свої жоны якъ свої тѣла.

Такъ отже научає св. Апостолъ про св. Тайну та про способъ якъ мають жити меже собою супруги.

Коли бы христіянскѣ жоны и мужъ змагалися выполнити Божѣ поученія, тогды бы не было только нарѣкань. Не было бы только сусты по хижахъ, только грѣха, только образы Божоѣ. Тогды въ инишихъ родинахъ панувавъ бы миръ, а зъ нимъ Господь Богъ.

Тому маеме благати въ семъ мѣсяци чтобы Пресв. Сердце злило свої ласки на нашѣ супружа, чтобы въ нихъ панувавъ Божій законъ, чтобы они были направду освященѣ Божою правдою и Божою ласкою.

До чого доводить фалшива вѣра.

Въ Лондонѣ стоить передъ судомъ литератъ Рихардъ Корбертъ спиритистъ, зато, что подавъ отрову своей хворой матери: Онъ даже, что повѣривъ духови, котрого выкликалъ. Той духъ приказавъ ему дати матери велику дозу морфины. Завызванѣ лѣкарѣ выдали опінію, что не вольно хорыхъ убивати, навѣть въ найтяжшой хвортѣ, бо бываютъ случаѣ, коли всѣ лѣкарѣ вже говорять, что хворый не годенъ выздоровѣти, а таки онъ приходить до здоровля.

Овочѣ чтоденного св. Причастія.

Оповѣданіе зъ мексиканскаго переслѣданія.) *)

Ѳома деля Мора мавъ лишь 16 роковъ. Огъ малу записаный до Союзу каѳолицкѹ молодежи въ Колѣма**). Бывъ сильноѣ вытревалоѣ вдачѣ у всемъ: пропагандѣ, въ катехизамѣ, въ выполнюванію всякого обовязку.

Жерело утки онъ черпавъ ту вытревалость было св. Причастіе, которое принимавъ чтодня.

Переслѣданіе приневолило епископа застановити богослуженія въ своей епархіи. Тогда малый Ѳома, якъ много иныхъ, ходивъ глядати Доброго Бога; пускався въ довгѣ дороги, чтобы найти священника, послужити ему до Службы и покрѣпитися хлѣбомъ крѣпкихъ.

5. Августа 1927. р. Ѳома бавився дома зъ своими братьми, коли прїшовъ одѣль жандаровъ и увязнивъ его. Мати лишь йойкнула распутливо, але Ѳома зиайшовъ для неѣ слова потѣхи:

— „Не журися мамо; если на семъ свѣтѣ не увидимеся то пено на другомъ“ —

Клякнувъ и мати поблагословила его. Жандари звязали его и повели передъ генерал.-коменданта Колѣми.

- Ты переписуешься зъ фанатиками?
- Дасте менѣ доказы, то буду вамъ отвѣтчи.
- „Добре. Чій сей лисъ? — звѣдався коменданть.
- Мой.
- Отже се ты волокито, якому еще молоко не высохло?

Коли бы я чось стоявъ, то я бы бывъ уже де инде. Я боровся бы противъ васъ зъ своими братьми. Мы мусиме освободити св. Церковь зъ кайданъ тирановъ, мы мусиме дати ей свободу. То саме мусиме робити мы зъ молокомъ на устахъ, якъ и старѣ дѣдуганы.

Выбийте сего безличника — крикнувъ начальникъ.

По короткомъ часѣ явився Ѳома передъ начальникомъ зъ напухлымъ лицемъ, зъ катованымъ тѣломъ.

- Теперь пущу тебе, якъ зорвешъ переписку.
- Якъ? Гrimнувъ сухо хлопецъ! Я заразъ обновлю перепис-

*) Оповѣданіе взятое зъ документовъ войсковоѣ стаинны въ колѣма и подтвержденное зознаніемъ кузинки Героя.

**) Мѣсто въ Мексику.

иу та роскажу дочиста, что вы зъ мною вчинили. Ци маю заложити руки, коли моя мамка плаче?

Смѣлость хлопца збудила въ сердцахъ присутныхъ подивъ и пошану. а въ сердцу генерала выкликала жорстоку лютость.

Приведѣть, дружину жандаровъ и повѣсте его.

Спѣшѣться, нагливъ Єома, жандаровъ, бо ваша повольность пригнетае мене.

Въ околици Колѣма росте одно старое дерево обведеное плотомъ де стоять каноны. Называєся „Паляте“ Хуареза, бо сей чоловѣкъ отецъ першого религійного повстаня въ Мексику мавъ тамъ спочити. Туды и проходивъ походъ.

— Отсе мѣсто сорому и проклятия -- сказавъ Єтома, повѣсте мене тутъ най замѣниться въ мѣсто благословенія.

Проводникъ отдѣлу приставъ, бо мавъ бодай лѣпшое сердце, якъ генераль. Вызначивъ одно дерево на проти и палате.

Одинъ жандаръ приступивъ до него закинути ему мотузъ на шию.

— Не рушь мене! не смѣешь мене збезчестити! Вы знаете сатаны, а я воинъ Христовий!

— Дай менѣ мотузъ!

Взявъ его и засиливъ на шию и додавъ.

— Вы воюете проти Бога, та Бога вы не переможете. Христосъ буде тріумфовати!

Прійшла послѣдна година и комandanъ по припису, звѣдався Єомы, ци не мае якого желанія.

Туть на земли, отказавъ Єома немаю ничего. Передъ Богомъ такъ. Передовсѣмъ молити буду Его, чтобы знявъ изъ вашихъ очей заслону, что васъ ослѣплюе, молитися буду за тыхъ, котрыхъ люблю, за маму буду Его благати за Церковь и отчину.

А для себе самого?

— Справдѣ ничего. Христосъ мае доста заслугъ, чтобы могъ спасти и милюни людей. Онъ спасе и мене. Знаю то, бо я е зъ его людей, бо умираю за Него. Най живе Христосъ Царь! Затислися мотузы и красна душа Єомы полетѣла до Неба.

ИЗЪ ЖИТЯ СВЯТЫХЪ

Заступникъ на мѣсяцъ фебруаръ.

Преподобный Отецъ Издоръ Пелюзіотъ.

Св. Издоръ родомъ изъ Александрії. Родичов мавъ богатыхъ и славныхъ, они были свояками александрийскихъ патріарховъ Феофила и св. Кирила.

Дома Изидоръ живъ у выгодахъ и достаткахъ, а однакъ погордивъ суетою свѣта и пошовъ на Пелюзитску гору, де находився монастырь.

Изидоръ бывъ хлопцемъ вельми способнымъ, мудрымъ, мавъ велику охоту до науки. Тому и приняли его до монастырьской школы. Скоро одзначився онъ высокою ученоствію. Але не лише ученоствію онъ одзначався, але и побожнымъ, богобойнымъ житьемъ, великими чеснотами. Житье вель въ покутѣ и молитвѣ, у читанію св. книгъ. Житье его было житьемъ ангела на земли. Свою науку выкорыставъ, чтобы оборонити св. Церковь передъ хижными вовками еретиками. Писавъ на всѣ стороны листы. Много тыхъ листовъ пропало, а однакъ до нынѣ есть еще 2130. Знавъ, что каждый по своимъ силамъ есть обовязаный ширити и боронити Христово Царство ци онъ монахъ замкненый въ комнатѣ, ци проповѣдникъ, ци урядникъ, ци селянинъ. Навѣтъ одважився написати до Царя Теодосія острый листъ, чтобы сокотивъ миръ въ Христовой Церкви.

Самъ писавъ: беруся боронити Христово стадо и радъ бы перенести всѣ муки въ томъ святомъ дѣлѣ и ничего такъ не желаю, якъ пойти на смерть за каѳолицку вѣру.

Двѣ великѣ чесноты еще приобрѣли велику славу Преп. Изидорowi.

Велика его чистота и покора. Про сесю ангелску чистоту самъ пише дуже похвально въ своихъ листахъ.

Въ одномъ листѣ пише: знаешь, Антоніе, тѣ что жиуть въ ангельской чистотѣ подобнѣ до сонца, вдовицѣ, котрѣ въ побожности служать Господу подобнѣ до мѣсяца, а люде въ супружомъ станѣ до звѣздъ, бо и апостолъ сказавъ: Іна слава солнця йна слава лѣнкѣ йна слава звѣздамъ.

Онъ своимъ примѣромъ и своими словами повиненъ насть заохотити до береженя сего великого скарбу. Сей скарбъ есть найцѣннѣйший зъ усѣхъ, бо онъ блестить якъ сонце. Дѣвицтво се царица всѣхъ чеснотъ. И блаженіе тѣ котрѣ заховають ею, бо въ небесахъ они будуть мати свой вѣнецъ славы и будуть спѣвати пѣсню, яку иниѣ праведники, котрѣ не заховали дѣвицтво, спѣвати не будуть могли.


Святый Изидоръ хоть бывъ великимъ святымъ, великимъ ученымъ, хоть много натрудився для Церкви, не шукавъ достоинствъ, а противно вѣкавъ одѣ нихъ. Хотяй за своеѣ святости и учености могъ быти и епископомъ однакъ замкнувся въ мурахъ своего монастыря и служивъ вѣрно Богу далеко отъ свѣта.

За ту вѣрну службу Богъ надгородивъ его своею небесною славою.

Еще туй наземлѣ умноживъ его лѣта, бо онъ умеръ въ глубокой старости въ 436 року отдавши свою душу въ руки Господа Бога, котрого любивъ надъ усе.

Молися!

Кто не молиться той есть такій, якъ курка. Она має крыла, а



Преокраси храмъ, свой Сіоне.

Преокраси храмъ, свой Сіоне,
Старый днями, молодый тъломъ
Отвори Святыхъ чертогъ:
Иде до Тебе Царь и Богъ.

На рукахъ Марію Дѣвы
Якъ на хмараҳъ зоря свѣтъ,
Что въ зараню несе свѣту
Все ество свое есть привѣтъ.

Зютовися сыну Левы,
Симеоне; Се Христосъ!
Что съ туюю ждали вѣки
Твоихъ рукъ Онъ днесъ приносъ.

Что Мойсею на Синаю
Давъ въ началъ свой законъ,
По закону днесъ Мойсей
Ты звѣстишъ Му смерть и сконъ.

Звеселися, роде, людскій,
Витай Дѣву, дверь небесъ:
Дѣва Сына ти жертує,
Сынъ же жертуцъ ти принесъ,

Что зъеднить изъ небомъ землю:
Небо, вѣчность, земля — спинь,
Слава Богу, честь Марію,
Слава днесъ и въ вѣкъ. Амънь.



не може высоко въ воздухъ лѣтати. И хотяй и она лѣтае то дуже коротко и скоро паде на землю. Бавится въ землѣ, купается въ пороху и лише тамъ знаходить свое щастье. А человѣкъ, который добре молится есть такій, якъ молодой орель, якій высоко въ воздуху лѣтает и чимразъ больше наближается до сонца.

Якъ Богъ сотворивъ свѣтъ?

Мойсей просвѣщенный св. Духомъ росказуе намъ, якъ Богъ сотворивъ сей свѣтъ. И то, что Мойсей написавъ, есть истинною правдою. Ученѣ робили и роблять дослѣды коплють землю, заглядають до еї глубены, позирають, якъ то было давно и все, что досѣ они видѣли годится зъ оповѣданіемъ Мойсея. И не лишь все годится але тѣ вченѣ люде дивуются якъ онъ могъ написати докладну исторію землѣ 2500—3000 роковъ передъ Іисусомъ Христомъ.

Та закимъ скажеме, якъ онъ росповѣдае про сотвореніе свѣта треба памятати, что Мойсей не має на цѣли выповѣсти все, что можно знати про повстаня нашої землѣ, онъ хотѣвъ лише показати жидовскому народови, что Богъ есть Едінимъ, одинокимъ Паномъ свѣта, что лише онъ есть Богомъ правдивымъ, что Онъ есть всемогущій, бо зъ ничего здѣлавъ такъ великій свѣтъ. Что Онъ есть всемудрый, бо Онъ такъ розумно, такъ доцѣлно спорядивъ и упорядковавъ его, что людское окогодно лише дивоватися та кликати зъ псалмопѣвцемъ: Ксѧ премѣдрестю сотворилъ єсї. Пс. 130.

Мойсей пише, что Богъ сотворимъ небо и землю то есть всю вселенну, ангеловъ и людей. Небо, тутъ не значить небо сине котрое видиме надъ нами. Сесе небо Богъ сотворивъ ажъ другого дня. Небо когре Богъ въ началѣ сотворивъ, то небо де бывае Господъ Богъ зъ блаженными и святыми Ангелами. Только погане брали за одно и небо духовъ и небо звѣздъ. Тото, что Мойсей называе небомъ св. Павель кличе „невидимая“, а тото, что Мойсей „землею“, св. Павель зове „видимая“ (Кор. I 16) Такъ само и мы говориме коли молимеся въ Вѣрую „Творца неба и землѣ видимыхъ же всѣхъ и невидимыхъ“.

Святое Писаніе перше згадуе про небо, чтобы мы знали, что небо есть нашою цѣлею. Изъ того видиме такожъ и Божу доброту, бо Богъ не сотворивъ отъ початку пекла, лишь потому, ажъ Ангелы спротивилися Господу Богу.

Дале говорить Мойсей, что: Землѧ же кѣ невидима й нѣстрона: то есть что свѣтъ въ началѣ бывъ пустый и неупорядкованый.

Не было еще сонца, мѣсяца нѣ землѣ. Се разомъ было помѣшаное въ одну масу плынну, яку Мойсей называе „водами“.

Матерія спочатку была въ огнистомъ видѣ розтоплена, а навѣть все было, якъ воздухъ мягкое, бо горячъ велика была.

Изъ той то матеріѣ сотворивъ Богъ и землю и сонце и мѣсяцъ. И тото оповѣданія потверджуе наука. Ученѣ, якъ Нютонъ, Ляпласъ и ин. кажуть, что поправдѣ земля и сонце и все, что видиме, нале-

жало до одного куска. А потомъ то все разбилося на части. Тому, якъ то доказують ученѣ, сонце, планеты, а навѣть и сталѣ звѣзды складаются изъ той самой матерії, что наша земля. То доказує, что ихъ походженія есть спольне.

III.

Коли Господь Богъ уже сотворивъ матерію, неупорядковану, забажавъ еї упорядковати, хотѣвъ зробити свѣтъ такимъ якимъ онъ есть сегоденѣ. Такъ якъ той, что буде хижу перше звозить камънь щеглу, дерево, вапно а потомъ берется до порядкованія, то всео, что бывъ назбиравъ. Такъ само здѣлавъ Господь Богъ, изъ вселеною де еще не было нѣ свѣта нѣ ладу, нѣ красы яка теперь чаруетъ людское око, — а тьма и замѣшаня. И Господь Богъ уладнавъ весь свѣтъ за шесть дній.

Тыхъ однакъ шесть днівъ не треба розумѣти якъ день, что складається зъ дня и ночи. День въ томъ мѣстѣ св. Письма треба розумѣти, якъ довгій протягъ часу. И чтобы такъ понимати есть много причинъ.

Якъ знаєме, что день мѣряємо сонцемъ, а сонце Господь Богъ сотворивъ ажъ четвертого дня, отже тутъ святе Письмо не говорить про день якій маеме теперь на свѣтѣ.

Передъ Господомъ Богомъ усе одно ци одинъ день, ци тысяча лѣтъ, бо Господь есть вѣчный, бо добре каже св. царь Давидъ Яко тысаща лѣтъ предъ очима твоими Господи, якѡ денъ Ічерашиїй иже минуше иде.

Тысяча лѣтъ передъ очима твоими Господи, яко день вчерашиїй, что минувъ.

И Мойсей, коли писавъ свой творъ натхненый святымъ Духомъ не хотѣвъ насъ научити великихъ наукъ природныхъ, до якихъ чоловѣкъ має розумъ а правдѣ надприродныхъ, якѣ чоловѣкови треба, чтобы спастися. Св. Письмо не учить чоловѣка, якъ має справити парову машину, якъ будовати жельзи мости, якъ робити авто, на то Богъ давъ чоловѣкови розумъ, чтобы практиковавъ самъ. Такъ и въ сотвореню свѣта желавъ поучити жидовъ, что свѣтъ се дѣло Боже, Божихъ рукъ, а не тыхъ божковъ, что зъ каменя собѣ робили погане, а насъ має поучити, что свѣтъ не взявся отъ себе самого а отъ Господа Бога, что Господь Богъ рядить свѣтомъ и надъ нимъ панує, что навѣть и чоловѣкъ есть дѣло Божихъ рукъ.

Прото и выбравъ такій способъ оповѣданія про шесть дній, якій и найлекше жидамъ и намъ представити може высше помянуть правды.

Отже коли найдется, якій мудрагель, что скаже: св. Письмо не добрѣ пише коли говорить, что Господь Богъ сотворивъ свѣтъ за шесть день, бо вченѣ кажуть, что то тревало тысячу а тысячу лѣтъ, то такій мудрагель най перве иде навчитися катехизму, бо его добрѣ не знає, а най не спрavляє св. Письма.

Св. Письмо, се сама Божа правда непомыльна. Св. Духъ че-

резъ св. Письмо говорить и мы видѣли, что ни на кусичокъ не схи-
било отъ твої правды, котру вчить правдива наука, а не бозбожне
мудрагельство.

(Продовженіе.)

Честуй отца и матерь!

Самуилъ Іонзонъ причисляется до найсливнѣйшихъ людей въ Англіи, яко литераторъ и писатель. Онъ родився р. 1709 и померъ 1784. въ Лондонѣ. Его отецъ бывъ заможнымъ книгаремъ, что про-
дававъ книжки, головно на ярмаркахъ. Хоть бывъ худобный потра-
фивъ дати своимъ дѣтямъ выхованіе. Самуилъ Іонзонъ учився на
университетѣ въ Оксеродѣ, а коли докончивъ науку занимався лите-
ратурою.

Изъ житя сего великого человѣка хочеме оповѣсти одну подѣю:

Одного разу въ родинномъ городѣ Самуила Іонзона въ Лихе-
релдѣ, графиня Лихерелдѣ давала принятіе для найславнѣйшихъ лю-
дей зъ города и околицѣ. Она запросила до себе и Іонзона. Онъ
бывъ уже старшій человѣкъ и обѣцявся прійти. Тымчасомъ въ озна-
ченномъ дни, зойшлися гости, чекали и чекали на Іонзона, но онъ
не приходивъ. Коли обѣдъ вже скончився и гости мали расходити-
ся до дому, прійшовъ Іонзонъ. Его особа представляла дуже сумный
видъ. Онъ бывъ блѣдый, змученый, перемоклый, а на довгому воло-
сю были платки снѣгу.

Гости здивованѣ позирали на него.

„Извольте выбачити менѣ, что такъ поздно приходжу“, сказавъ Іонzonъ до графинѣ. Обѣщаючи прійти на обѣдъ, я забывъ
эовсѣмъ, что нынѣ саме есть 21 новембра. Але певно мене не зрозу-
мъете, тому мушу вамъ оповѣсти цѣлу исторію. То буде для мене покуто-
ю и карю. Было то передъ сорокъ роками, точно 21 новембра, мой ста-
рењкій, хворый отецъ сказавъ до мене: Самуile, я чтось изнемагаю, во-
зыми мой возъ и иди до Вельсоль, намѣсто мене продавати книжки. Тым-
часомъ, гордый на свою ученость, хоть на неѣ працовавъ мой отецъ,
не послухавъ. Тогда мой отецъ не оказуючи нѣjakой злости зъ най-
большою добротою сказавъ: Самуile будь добрымъ сыномъ и иди.
Нынѣ торгъ, шкода его утратити. Но сесѣ слова отца розбилися о
мою гордость. Я такой не послухавъ. На останку самъ старый, хво-
рый отецъ поѣхавъ. День бывъ дождевый, якъ нынѣ, зимно вѣтеръ,
дождь зъ снѣгомъ. Тыжденъ позднѣйше отецъ вмеръ.

Посля тыхъ словъ Іонzonъ закрывъ лице рукою и розплакався.
Але по хвилѣ перемогъ себе и почавъ розповѣдати дале:

Отъ того часа минуло сорокъ роковъ. Каждого 21-го новембра
черезъ сорокъ роковъ иду пѣши до Велсалъ и тамъ стою четыри години
на томъ мѣстѣ, где мой отецъ продававъ книжки. Таку покуту я на-
ложивъ на себе. Потомъ опять пѣши вертаю въ Лѣхерелдѣ. Прото,
что днесъ якразъ выпавъ тотъ день, то я хотяй бывъ запрошеный му-
сѣвъ откончити покуту.

Всѣ мовчки слухали того оповѣданія и зъ пошаною стиснула
руку Іонzonови.

Короткѣ примѣры.

Въ одномъ селѣ, жили два дуже працовнѣ и стараниѣ господарѣ. Одинъ зъ нихъ на имя Николай, бывъ примѣрнымъ христіяниномъ и святковавъ дны святочнѣ, а другій, что звався на имя Павель, бывъ ровнодушный для вѣры и не святковавъ не недѣль, не свята.

Одного разу одозвався Николай до Павла, что то працювавъ въ недѣлю ось якъ:

— Днесъ, якразъ, стрѣнувъ мене жебракъ. Я мавъ при собѣ сѣмъ коронъ; но на просьбу жебрака, давъ я ему шѣсть коронъ.

— Подивляю твою щедрость; я николи такъ бы не зробивъ, сказавъ на се Павель.

— Але, что ты скажешъ на се — говорить дальше — Николай, что той жебракъ незадоволеный зъ такоѣ милостинѣ, старався силою одняти отъ мене и ту послѣдну корону.

— Сей чоловѣкъ — сказавъ зъ обуреньемъ Павло еще днесъ новиненъ быти въ арештѣ!

— Маешь правду каже Николай. Однакъ уважай сусѣде дорогої, что ты самъ выдавъ засудъ на себе! Господъ Богъ давъ тебѣ шѣсть дній на працу, а семий день задержавъ для Себе; а ты и той семий день одberаешъ Ему силою.

Павель признавъ правду и отъ теперь святковавъ недѣль и дни святочнѣ.

Любѣть вороговъ вашихъ.

Легко догадатися, о чемъ буду говорити. Буде теперь мова о любови вороговъ. Та любовь, се пятый и шестий учинокъ милосердный. Кривды терпеливо зносити, обиды отъ сердца прощати.

Се чось красного! Въ нась христіянъ се лкть чесноты Богу незвычайно милый, а тымъ самимъ есть заслугою. Але, якъ се може быти и для ближнього рѣчею спасенною.

Маешь ворога, ненавидишъ его, на кождомъ кроцѣ показуешь тую ненависть, а черезъ се тымъ больше его дразнишъ, тымъ бльше росте ненависть и завзятость, а тымъ самимъ той чоловѣкъ грѣшишь еще больше. Не буде сего всего, наколи будешь памятати о заповѣди любови — отже не будешь мати и только шкоды на душѣ. По друге: дуже легко може статися, что твой ворогъ позбудется гибелю и завзятія до тебе, Перестане Господа Бога ображати. Св. Апостолъ Павель навчає: „Якъ ворогъ твой голоденъ, накорми его, якъ спрагнений напой его, такъ роблячи, громадишъ розъяренное угля на его голову“. А якъ се? Отъ ворогъ твой, видячи твою твою терпеливость, видячи якъ зневаги его зносишъ терпебиво, боронишъ его передъ другими, то буде его въ душѣ палити, якъ огень, буде жаловати сего, что зробивъ, буде старатися кривду нагородити и такъ позбудется грѣха, а ближнього отъ грѣха отвести, се дуже

добрый учинокъ, что до душъ. Зрештою такое поведеніе твое зглядомъ ворога не може быти тайное. Люде змѣркують, якъ ты вѣрно выповняешь заповѣдь Христову: „Робѣть добро тымъ, что васъ переслѣдуютъ.“ Тай добрый твой примѣръ буде ихъ будовати, буде для нихъ научою, чтобы и они подобно обходилися зъ своимъ ворогами.

Кривды терпеливо зносити, се не значить, что вже зовсѣмъ не треба доходити своихъ правъ, ци то въ дорозѣ полюбовного суду, ци на дорозѣ суду рядового, не значить се, зречися всього, за образу, ци шкоду понесену.

Что до той любови вороговъ треба памятати о дуже важной рѣчи. Ненавидить кто, очернью, зневажає, въ якійбудь іншій способъ кривдить, але! се болить и зовсѣмъ природно будить отразу. На видъ злого чоловѣка кровь бурится, въ сердцю мимоволѣ рождаются гадки, чтобы ворогови сталося такое а такое несчастья. Се все то буря тѣлесної природы, се въ першой хвилѣ есть нѣчимъ больше, якъ только покусою, а та покуса може трывати довго и може быти дуже сильна. Что зробити зъ сею покусою? Слухой, бо се важна справа.

Якъ сей покусъ силно опираєся, въ молитвѣ шукаешъ ратунку, борешся такъ довго, чтобы та покуса не порвала тебе до якої шаленої гидки, до слова або что горше учинку, то та одраза, буря внутрѣшна, не есть еще грѣхомъ. Противно така буря, така оборона передъ покусою, есть любовию вороговъ, есть дѣломъ милосерднимъ.

Теперь хочу тобѣ показати, якъ ты той дорогій камень любови вороговъ маешъ оправити въ золотѣ рами зъ того золого, что тобѣ робить ворогъ, а предбати собѣ користь чесноты, заслуги и заплаты.

Отъ, дай отвѣтъ на тѣ вопросы:

Вопросъ першій: Може есть кто, кого ты нетерпишь для того, что завзятый на тебе и что робить тобѣ кривду?

Отвѣтъ: Той, ббо той.

Вопросъ другій: Коли до него не чуешъ въ собѣ някої одразы, або ему кривды зъ охотою даруешъ, або може вже ты ихъ ему отпустивъ, то дякуй за се Господу Богу и скажи: „Дякую Тобѣ, Боже! Стережи сердца моего, чтобы я нп впавъ въ покусы, але отпусти намъ наши грѣхи, якъ мы ихъ отпусчаеме нашимъ ворогамъ.“ Коли въ сердци чушъ отразу, гнѣвъ, завзятость, скажи, ци ни желаешь, чтобы того ни было? Охъ желаю, чтобы тога ни было, але ни могу надъ собою заволодѣти, не въ моей то силѣ полинъ въ медь замѣнити.“

Вопросъ третій. Хоть ни можешъ одразу позбутися всякої горици, можешъ однакъ просити Господа Бога, чтобы тую гориць отъ тебе отнявъ, молящи ось якъ: „Черезъ Кровь наймилѣшого Сына Твого, прошу Тебе, Боже мой, отдали отъ мене всю горицу, побѣды въ менѣ пристрасть, бо ни хочу грѣшити проти Тебе. Выслушай мене, мой Боже!“

Отвѣтъ: Хочу се зробити и зааръ такъ зробю.

Вопросъ четвертый: Хотьбы ты и потому чувъ въ собѣ ту ненависть въ сердци своеемъ и хоть бы тобѣ наймилѣйшимъ здавалося, наколи бы твой ворогъ попавъ въ якое нещастье, роздумай добрѣ, чого желає тѣло, а чого душа и воля розумна. Воля, что рядиться розумомъ, ни похваляє сего, что хоче тѣло. Въ доказъ, что хоче тѣло. Въ доказъ, что душою и розумомъ ни позволяешь на пристрасти тѣлеснѣ здыхни: „О Боже ни позерай на се, чого пристрасть моя тѣлесна желає, бо я розумною волею ни позволяю и ни хочу на се позволити, а черезъ заслуги розпятого Спасителя прошу, абы Ты, о Боже, давъ моимъ ворогамъ все добро для души и тѣла. О Боже! выслушай мене и не введи менн въ напасть, але збавь мене отъ злого. Амѣнь“.

НОВОСТИ

Въ нашей Республицѣ католицѣ партії намѣряють створити одинъ блокъ, чтобы боронити интересовъ Церкви.

Др. Лянѣ выголосивъ въ Празѣ лекцію, въ котрой занимаются зростомъ злочиновъ. Онъ твердить, что $\frac{4}{5}$ злочиновъ, се злочини маєтковъ. Найбільше злочиновъ межи худобными и то межи 16—20 рокомъ житя. Одна се рѣчъ стверджена, что злочинцѣ часто не належать до найхудобнѣйшихъ, хоть розуміється, что великое убожество дає подставу до злочиновъ. Найважнѣйшій способъ противъ злочину, есть доброе выхованіе и найпаче дисципліна въ родинномъ житю. Школы не можуть давати доброго выхованія, бо они переповненѣ дѣтьми. Дуже зле вплыває на зростаючу молодежь сенсаційна пресса, кина, забавовъ льокалъ, якъ такожъ алкоголь.

Найбільшое Царство на свѣтѣ.
Католицка Царковъ має 14 патріарховъ, 243 архієпископовъ, 908 епископовъ 600 епископовъ титулярныхъ. 24. Нунціовъ, 4 интернуунціовъ, 21 делегаторъ.

При апостольской Столицѣ 29 державъ свѣта має своихъ представниківъ. Зъ нихъ 11 есть амбасадоровъ, 18 уповноважненныхъ министровъ.

Въ Югославіи заборонили грати въ карты и за то строго караютъ, а приказали обовязково

у всѣхъ школахъ єучити релігіѣ.

Трупъ Ленина такої зогнивъ.
Російскій судія Орловъ оповѣщує въ новинкахъ, что трупъ Ленина дѣйстно зогнивъ. Большевики забальзамовали, якогось червеноармейца на мѣсто Ленина.

Дня 20 децембра въ годинѣ 7. рано св. Отецъ першій разъ опустивъ мури Ватыкану и пошовъ на автѣ зъ губернаторомъ Ватыкану, до Латеранской Базиліки. Тамъ откончивъ Службу

Божу и въ годинѣ 9. вернувъ опять до Ватыкану.

Китайцѣ цѣнять каѳолицкѣ школы. Зъ початкомъ школьнаго рока бывъ дуже великий наплыў китайскоѣ молодежи до каѳолицкихъ школъ и университетовъ. Державнѣ власти поручили каѳолицкому университету великое число студентовъ.

Въ Москвѣ, Комунисты эдѣцлоѣ силы выступаютъ противъ — религії. Они зарядили, что бы на самое Христово Рождество въ всѣхъ фабрикахъ работники працювали, а въ театрахъ и кинахъ, чтобы бавили протирелигійнѣ представлениа. Дѣйствѣтельна діявольска ненависть.

Въ Парижу вмирае рочно 9.000 людей про которыхъ никто николи не зналъ.

Въ Бостонѣ навернувся послѣдній нащадокъ Лютра. Се нащадокъ въ прямой линіи. Онъ вступивъ до монастыря.

Въ Америцѣ еще есть 20 родинъ спородненыхъ изъ Лютромъ и всѣ они есть каѳолики.

Синагога въ которой учивъ Іисусъ Христосъ находится въ городѣ Капернаумѣ загална поверхня синагоги мала 400 квадратовыхъ метровъ.

Коло Нью-Йорку выплыў изъ моря якійсь островъ, на котромъ суть знаки старинныхъ будовель. Ученѣ кажуть, что землетрусь выверъ на поверхню моря давно запавшій городъ мексиканскоѣ культуры.

Святѣйшій Отецъ именовавъ на послѣдной консисторіи шестьохъ новыхъ кардиналовъ между ними Апостольскаго нунція въ Нѣмеччинѣ Евгенія Па-

челі-я. Онъ теперь выконуе урядъ секретаря стану, мѣсто похворѣлого кардинала Гашпарія

Коли Нунцій Пачеллі одѣздиў изъ Нѣмеччинѣ, чтобы занять урядъ секретаря, въ Берлинѣ 12.000 католиковъ зробили по обохъ бокахъ улицѣ шпалльръ на три километры довгій.

Замерзло 2 міліоны людей. „Ное Фрає Прессе“ мѣстить таку депешу эдѣ Китаю: Члены Межнародноѣ комиссіѣ для поборенія голоду въ Китаю доносять, что ослабленѣ бракомъ яденія середъ остроѣ зимы въ провинціяхъ Шанзѣ и Шензѣ стратили житя два міліоны людей.

Померъ Брать св. Отца. Дня 31. децембра померъ нагло въ 75 р. житя, братъ Св. Отца, гр. Фермо Ратті, который занедужавъ передъ двома днями. Сейчасъ по одержанію вѣстки про смерть брата, Папа выславъ до дому помершаго мсгр. Венін-а, Кастилон-а, Доминіона, а самъ удався на молитву. Тлѣннѣ останки помершаго перенесено до провизоричної каплицѣ де нащививъ ихъ Св. Отецъ. Отты перевезено ихъ до Медіолану, де въ пятницу отбывся похоронъ.

Наверненіе сектанта. Передъ 10. роками Анжельо Фльоръ Мата зъ Мензозы, попавъ у ересъ и заложивъ на Филипінахъ „Незалежну реформовану церковь“. Недавно познавъ свой блудъ, вырекся ереси и вернувъ до каѳ. Церкви. Заяву своего наверненія велѣвъ оголосити въ прессѣ, чтобы, якъ пише, „души, что пошли за его злымъ пр. и наукою, теперь щиро наслѣдовати его въ наверненію.“

Выдавництво Чина св. Василія Великого въ Ужгородъ

поручає слѣдуючѣ книжки своєго изданія:

„Слово про св. Церковь Христову“. Брошурка, сторонъ 20.

Содержаніе: 1. Колько есть Церквей Христовыхъ, 2. Котра есть правдива Христова Церковь? 3. Почему упознati, ци належить дакто до правдивої Церкви Христової. — Опроверженіе закидовъ противниковъ.

Цѣна одного примѣрника 1 Кч вже зъ поштою.

Роздумай то добре. На рускій языкъ переклавъ о. В. Желтай. Издание I. Содержитъ науки о цѣли человѣка, о грѣсѣ, о смерти, о судѣ, о пеклѣ, о чистилищи, о небѣ и о сповѣди. Стор. 160.

Брошуроvana стоитъ 5 Кч, съ поштовою засылкою 5 Кч 60 гел.

Образцѣ (печатанъ одною краскою): Пресв. Сердце Іисуса, Іисусъ добрый Пастырь, Положеніе до гробу Іисуса Христа, Іисусъ несе крестъ, Распятіе І. Хр., Тайна Вечера, Матерь Божая Непорочно зачата, св. Ангель Хоронитель, св. Іосифъ, св. Василій, св. Іосафать, св. Кириль и Меодій, св. Анна, св. Агнета, св. Іоаннъ на персекъ Іисуса Христа. (Образцѣ безъ молитовъ на оборотѣ). 100 дарабовъ стоитъ 6 Кч, съ поштою 6·50 Кч.

Оумоленіе къ Пресвятой Евхаристїи (супликація съ нотами).

Стоитъ 50 гел., зъ поштовою засылкою 70 гел.

Образець Матери Божої Мукачевскої съ пѣснею на обратѣ.

Цѣна одного примѣрника 40 гел.

Отпустовъ молитвы. Сеся книжочка содержитъ: Короткое поученіе о отпустахъ и дасколько молитовъ надѣленыхъ отпустами.

Стор. 16. — Цѣна 50 гел., а съ поштовою засылкою 70 гел.

Крестна дорога. окремо печатана по руски и окремо печатано латинкою 14.

корот. розважань о страстяхъ Христовыхъ. Цѣна 1. Кч. зъ поч. 1·20. Кч.

Рожанець до св. Рань або до милосердія Іисуса Христа. Цѣна 40 зъ поч. 60 г.

Протиалькоголичнѣ брошурки: 1. „Пяницямъ на зекуску“, 2. „Погарчикъ для тверезыхъ“, 3. „На здоровля“. Цѣна 3 брошуръ 1·20 Кч, зъ почт. 1·60 Кч

„Гриць Заливайко“. Ся книжечка написана стихомъ и описує животъ пяницѣ одъ рождества ажъ до смерти. Книжочка прикрашена 19 образками нашого славного подкарпаторуського маляря проф. О. Бокшая. Стоить зъ поштою Кч. 1·40.

Маєме такожъ на складѣ Книги до записуванія інтенцій Службъ Божихъ. (200 стор. оправленыхъ) по 25 Кч за примѣрникъ зъ поштою 28 Кч.

Засылається лемъ за готовъ грошъ або за послѣплатою (dobirka)

Листы и грошъ треба засылати на адресу:

Выдавництво Чина св. Василія Великого, Ужгородъ,

Раковци улица число 54.

Листы изъ заграницы треба адресовати такъ:

Vydavničtvо Čuna sv. Vasilija Velikoho, Užhorod,

Rakociho ulica č. 54. Podkarp. Rus. ČSR. — Европа.

Выдавництво Чина св. Василія Великого въ Ужгородъ поручає слѣдуючъ книжки:

Полній Трієнникъ (печатаній въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червоний. Форматъ дуже догондый. Ясный переглядъ, буквы читкѣ, выразнѣ. Оправленій въ полотно 130 Кч, въ кожу 150 Кч, почтовое (поруч.) 5 Кч.

Оутреня й Кечерна ч. I. Содержаніе: Служба всѣхъ праздниковъ подвижныхъ: Служба Октоиха въ недѣлю; Служба обща Святыхъ; Евангелія воскресніи и Стихиры Евангельски; Пѣснь умилительна; Пасхалія и Мѣсяцословъ. — Книжка переплетена въ полотно.

Стоить 50 Кч, въ лѣпшой оправѣ 60 Кч, зъ почtoю 64 Кч.

Оутреня й Кечерна ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умилительна; Пасхалія и Мѣсяцословъ. Книжка переплетена въ полотно.

Стоить 60 Кч, въ лѣпшой оправѣ 70 Кч, зъ почtoю 74 Кч.

Чинъ Тайны Крещенїя й Миропомазанїя. Цѣна 5, зъ почт. 5·60 Кч.

Чинъ Тайны Свѣрджества. Стоить 5 Кч, зъ почт. засыл. 5·60 Кч.

Чинъ Тайны Єлеопомазанїя. Стоить 5 Кч, зъ почtoю 5·40 Кч.

Чинъ Парадаста й погребенїя мірскихъ чоловѣкъ. П. 10 зъ п. 10·80 Кч „Часослобъ“ (Ерейскій молитвословъ) перепл. въ полотно 50 Кч,

перепл. въ кожу съ золоч. обрѣзомъ 80 Кч, почтовое (поруч.) 5 Кч.

Псалтирь (безъ величаній). Ст. 296. въ полотн. оправѣ. П. 22, зъ почт. 23 Кч.

Якадистникъ. Стоить 27 Кч., зъ почtoю Кч. 28·30.

У Стіп Учителя мѣстить 204 читань для священниковъ, стор. 380

Стоить 20 Кч, съ почтовою засылкою 21 Кч 20 г.

Кровава Незабудька або Хресна дорога Спасителя мѣстить читаня и молитви о Страстиахъ Христовыхъ. Стоить 6·50 Кч, зъ почtoю 7·30 Кч.

Церковні Пісні (зъ нотами), мѣстить 301 пѣсень. П.22 зъ почт. 23·20 Кч.

Катехизм Шираго ч. I., II. и III. Въ I. части широко выложена наука св. каѳ. вѣры, въ II. говориться про науку обычавъ, а въ III. выложена наука про Средства ласки. Книжки брошурованѣ, кожда окремо. Цѣна ихъ така: Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Хвалите Господа. Молитвеничокъ для интелигенції, печатаний фонетикою на 2 фарбы, маленькомъ формату 6×10. Цѣна 13, зъ почт. 13·50 Кч.

Коляди (зъ нотами). Содержить 80 колядъ. Цѣна 14, зъ почт. 14·80 Кч.

Солячній отървій. Содержить 52 колядъ. Цѣна 3·60, зъ почт. 4 Кч.

Повѣсть. Повѣсть. Цѣна 15.— Кч, зъ почtoю 16·20 Кч.

Біблія въ великій пост. Цѣна 6.— Кч, зъ почtoю 6·50 Кч.

Біблія въ великій пост. Задіта ч. I. и II. (двѣ книжки). Цѣна однѣй книжки 20 Кч, зъ почtoю 23 Кч.

Божесливий Спаситель. Нарисъ житя Іисуса Христа въ народ. мовѣ.

Цѣна 25 Кч, зъ почtoю 28 Кч.

Житя св. світмч. Іосафата архієп. Полодкого. (309 сторонъ)

Стоить 10.— Кч, зъ почтовою засылкою 10·80 Кч.

Брошурка „У стіп Учителя“ и всѣ інші, однѣлекъ одѣ богослужебныхъ книжъ линейкою, печатань въ галицкомъ языць (фонешикою). 9·25